

PEMBERITAHUAN PERTANYAAN

DEWAN RAKYAT, MALAYSIA

**DARIPADA : Y.B. DATO' OTHMAN BIN AZIZ
(JERLUN)**

PERTANYAAN : LISAN

TARIKH : 19.05.2016

Y.B. DATO' OTHMAN BIN AZIZ [JERLUN] minta **MENTERI KEWANGAN** menyatakan perancangan proaktif Program Kerjasama Industri (ICP) agar ianya terus memberi manfaat kepada IKS terutamanya dalam keadaan ketidaktentuan ekonomi pada masa kini.

JAWAPAN

Tuan Yang Dipertua,

Untuk makluman Yang Berhormat, Program Kolaborasi Industri (ICP) adalah program yang melibatkan aktiviti yang akan memberi nilai tambah ke atas sesuatu perolehan yang dibuat oleh Kerajaan Malaysia dengan kos yang efektif. ICP merangkumi:

- i. Program Pengukuhan Ekonomi (PPE);
 - ii. Program Perdagangan Timbalbalas (Countertrade); dan
 - iii. Program Offset.
2. ICP telah dilaksanakan dengan antara objektifnya sebagai pemangkin kepada kerjasama strategik global, memaksimumkan penggunaan kandungan tempatan, memantapkan asas industri, ekonomi dan teknologi yang mampan di Malaysia, menggalakkan pemindahan teknologi, membentuk kerjasama dalam projek-projek penyelidikan/pembangunan/pengkomersilan strategik dan menyokong inisiatif Pelaburan Langsung Asing.
3. Pendekatan ICP dan Program Pengukuhan Vendor (PPV) adalah bertujuan untuk membangunkan keupayaan industri tempatan terutamanya Industri Kecil dan Sederhana (IKS) dalam kluster industri yang dikenalpasti melalui pemerksaan kebolehupayaan syarikat tersebut. Bagi memastikan pembangunan industri secara menyeluruh, pelaksanaan ICP hendaklah selari dan dibaca bersama dengan Garis Panduan PPV yang telah dikeluarkan oleh Kerajaan.
4. Untuk memastikan ICP akan terus memanfaatkan IKS, Kementerian Kewangan melalui Technology Depository Agency

Berhad (TDA) iaitu satu agensi di bawahnya telah mengambil langkah proaktif dengan mengenal pasti dan membuat audit kompetensi kepada syarikat-syarikat IKS yang berpotensi menjadi benefisiari program ICP sebelum mana-mana program ICP dimuktamadkan.